

历朝诗约选

歷朝詩約選

五言絕句一

漢

魏

六朝

歷朝詩約選六十六

無名氏七首

枯魚過河泣

枯○魚○過○河○泣○何○時○悔○復○及○作○書○與○魴○鱖○相○教○慎○出○入○

古歌

高○田○種○小○麥○終○久○不○成○穗○男○兒○在○他○鄉○焉○得○不○憔○悴○

古絕句

藁○砧○今○何○在○山○上○復○有○山○何○當○大○刀○頭○破○鏡○飛○上○天○

藁砧
砧也

謂夫也山上有山出也大刀頭刀上
環也破鏡半月也言半月當還也

日○暮○秋○雲○陰○江○水○清○且○深○何○用○通○音○信○蓮○花○玳○瑁○簪○

歷代詩選卷六十一
菟絲從長風。根莖無斷絕。無情尙不離。有情安可別。
南山一樹桂。上有雙鴛鴦。千年長交頸。歡愛不相忘。

出塞

候騎出甘泉。奔命入居延。旗作浮雲影。陣如明月弦。

無名氏二首

魏

古詩

採葵莫傷根。傷根葵不生。結交莫羞貧。羞貧交不成。
甘瓜抱苦蒂。美棗生荆棘。利傍有倚刀。貪人還自賊。

徐幹一首

雜詩

自君之出矣。明鏡暗不治。思君如流水。何有窮已時。

王獻之二首

晉

桃葉歌

桃葉復桃葉。渡江不用楫。但渡無所苦。我自來迎接。
桃葉復桃葉。桃樹連桃根。相憐兩樂事。獨使我殷勤。

桃葉四首

答桃葉歌

桃葉映桃花。無風自婀娜。春花映何限。感君獨採我。

答團扇歌三首

七寶畫團扇。粲爛明月光。與郎卻暄暑。相憶莫相忘。

青青林上竹。可作白團扇。動搖郎玉手。因風託方便。
團扇復團扇。持許自障面。憔悴無復理。羞與郎相見。
帛道猷一首

陵峰采藥觸興爲詩

連峰數千里。修林帶平津。茅茨隱不見。雞鳴知有人。

陶潛一首

四時

春水滿泗澤。夏雲多奇峰。秋月揚明輝。冬嶺秀孤松。

無名氏十二首

清商曲

黃鵠曲

黃鵠參天飛中道鬱徘徊腹中車輪轉君知思憶誰

懊儂歌

江陵去揚州三千三百里已行一千三所有二千在

子夜四時歌

春林花多媚春鳥意多哀春風復多情吹我羅裳開
明月照桂林初花錦繡色誰能不相思獨在機中織
秋風入窗裏羅帷起飄颻仰頭看明月寄情千里光
淵冰厚三尺素雪覆千里我心如松柏君情復何似

來羅

鬱金黃花標下有同心草草生日已長人生日就老

作蠶絲

春蠶不應老。晝夜常懷絲。何惜微軀盡。纏綿自有時。

那呵灘

聞歡下揚州。相送江津灣。願得篙櫓折。教郎到頭還。篙折當更覓。櫓折當更安。各自是官人。那得到頭還。

長樂佳

紅羅複斗帳。四角垂明璫。玉枕龍鬢席。郎眠何處牀。

七日夜女郎歌

婉變不終夕。一別周年期。桑蠶不作繭。晝夜常縣絲。

宋武帝一首

宋

自君之出矣

自君之出矣。金翠闇無精。思君如日月。回還晝夜生。

謝靈運二首

東陽道中

可憐誰家婦。緣流濯素足。明月在雲閒。迢迢不可得。

代答

可憐誰家郎。緣流乘素舸。但問情若何。月就雲中墮。

陸凱一首

贈范曄詩

折花逢驛使。寄與隴頭人。江南無所有。聊贈一枝春。

湯惠休一首

江南思

幽客海陰路。畱戍淮陽城。垂情向春草。知是故鄉人。

無名氏一首

烏夜啼

可憐烏柏鳥。強言知天曙。無故三更啼。歡子冒闇去。

謝朓四首

齊

玉階怨

夕。殿。下。珠。簾。流。螢。飛。復。息。長。夜。縫。羅。衣。思。君。此。何。極。

金谷聚

渠碗送佳人。玉杯邀上客。車馬一東西。別後思今夕。

王孫遊

綠草蔓如絲。雜樹紅英發。無論君不歸。君歸芳已歇。

同王主簿有所思

佳期期未歸。望望下鳴機。徘徊東陌上。月出行人稀。

王融二首

江皋曲

林○斲○三○更○續○洲○盡○江○復○開○雲○峰○帝○鄉○起○水○源○桐○柏○來○

移席琴室應司徒教

雪○崖○似○畱○月○蘿○徑○若○披○雲○潺○湲○石○溜○瀉○綿○蠻○山○鳥○聞○

張融一首

別詩

白雲山上盡清風。松下歇欲識離人悲孤臺見明月。

孔稚圭一首

遊太平山

石險天貌分。林交日容缺。陰澗落春榮。寒崖畱夏雪。

釋寶月二首

估客樂

郎作十里行。儂作九里送。拔儂頭上釵。與郎資路用。
有信數寄書。無信心相憶。莫作瓶落井。一去無消息。

梁簡文帝四首

蜀道難

巫山七百里。巴水三迴曲。笛聲下復高。猿嘯斷還續。

夜夜曲

愁人夜獨長。滅燭臥蘭房。祇恐多情月。旋來照妾牀。

行雨

本是巫山來。無人覩容色。惟有楚王臣。曾言夢相識。

楓葉

菱綠映葭青。疎紅分浪白。落葉灑行舟。仍持送遠客。

元帝一首

詠梅

梅含今春樹還臨先日池人懷前歲憶花發故年枝

范雲三首

別詩

洛陽城東西長作經時別昔去雪如花今來花似雪

登城怨

楚妃歌修竹漢女奏幽蘭獨以閨中笑豈知城上寒

閨思

春草醉春煙深閨人獨眠幾回明月夜飛夢到郎邊

何遜二首

相送

客心已百念孤遊重千里江暗雨欲來浪白風初起

閨思

閨閣行人絕房櫳日已斜誰能北窗下獨對後園花

庾肩吾一首

咏長信宮中草

委翠似知節含芳如有情全由履迹少併欲上階生

吳均一首

雜句

泣聽離夕歌悲銜別時酒自從今日去當復相思否

陶弘景一首

詔問山中何所有賦詩以答

答齊高帝詔

山○中○何○所○有○嶺○上○多○白○雲○只○可○自○怡○悅○不○堪○持○贈○君○

曹景宗一首

光華殿侍宴賦競病韻

去○時○兒○女○悲○歸○來○笳○鼓○競○借○問○行○路○人○何○如○霍○去○病○

劉孝威一首

望隔牆花

隔○牆○花○半○隱○詎○止○春○風○吹○當○由○美○人○折○猶○見○動○花○枝○

江洪二首

胡笳曲

落日慘無光。臨河獨飲馬。颼颼夕風高。聯翩飛雁下。

詠美人治妝

上車畏不妍。顧盼更斜轉。大恨畫眉長。猶嫌顏色淺。

陸山才一首

刻吳閶門詩

田橫感義士。韓王報主臣。若爲畱意氣。持贈禹川人。

衛敬瑜妻王氏一首

孤燕詩

昔年無耦去。今春又獨歸。故人恩義重。不忍復雙飛。